



**Pravila o radu ovlaštenih registrara  
bosansko-hercegovačkog nacionalnog  
Internet domena „.ba“**



**UNIVERZITET U SARAJEVU**

**Pravila o radu ovlaštenih registrara  
bosansko-hercegovačkog nacionalnog  
Internet domena „.ba“**

Sarajevo, decembar 2018. godine

## Sadržaj

DIO PRVI- OPĆE ODREDBE .....	4
DIO DRUGI –STICANJE STATUSA OVLAŠTENOG REGISTRARA.....	5
DIO TREĆI – IZBOR DRUGOG REGISTRARA.....	6
DIO ČETVRTI – ODNOS REGISTRA I REGISTRARA .....	7
DIO PETI PRELAZNE I ZAVRŠNE ODREDBE.....	8

Na osnovu člana 32. Pravilnika o registraciji i korištenju naziva domena ispod bosansko-hercegovačkog državnog Internet domena „.ba“ Upravni odbor Univerziteta u Sarajevu je na svojoj \_\_\_ sjednici održanoj \_\_\_\_\_ godine usvojio sljedeća:

## **Pravilnik o radu ovlaštenih registrara bosansko-hercegovačkog nacionalnog Internet domena „.ba“**

### **DIO PRVI- OPĆE ODREDBE**

#### **Član 1.**

##### **(Predmet pravila)**

Ovim Pravilnikom se utvrđuju uslovi za akreditaciju i način rada pravnih lica koja su ovlaštena od strane Univerziteta u Sarajevu-Univerzitetskog tele-informatičkog centra (u daljem tekstu: registra) da u korist registranata obavljaju poslove vezane za registraciju i održavanje .ba domena”

#### **Član 2.**

##### **(Pojmovi)**

**Registar** je administrator državnog *top level domain-a TLD* Bosne i Hercegovine .ba, koji je odgovoran za upravljanje i dodjelu naziva domena ispod .ba domena;

**Registarar** je pravno lice koje ispunjava opće i tehničke uslove za podršku Registru naziva .ba domena, a ovlašten je od strane Registra;

**Registrant** je pravno ili fizičko lice koje u skladu sa Pravilnikom registrira i na određeni vremenski period koristi dodjeljeni naziv domena;

**Poslovi registracije naziva .ba domena** su svi poslovi koji podrazumijevaju registraciju naziva .ba domena, promjenu podataka vezanih za registraciji naziva .ba domena, promjenu ovlaštenog registrara, promjenu registranta, deaktiviranje i brisanje naziva .ba domena.

## **DIO DRUGI –STICANJE STATUSA OVLAŠTENOG REGISTRARA**

### **Član 3. (Uslovi)**

Osnovni uslovi za sticanje statusa ovlaštenog registrara su:

- da je pravno lice registrovano u odgovarajućem registru,
- da je administrativno i tehnički osposobljen za obavljanje poslova ovlaštenog registrara,
- da posjeduje iskustvo u poslovima registracije domena,
- da posjeduje statičnu IP adresu,
- da ima registrovan naziv .ba domena,
- da podnese zahtjev za sticanje statusa ovlaštenog registrara (propisana forma).

### **Član 4. (Postupak podnošenja zahtjeva)**

Pravno lice koje želi da postane ovlašten registrar podnosi zahtjev za sticanje statusa ovlaštenog registrara uz svu neophodnu dokumentaciju koja će biti navedena na zvaničnim web stranicama Registra.

Registar će nakon zaprimljenog zahtjeva i dokumentacije, a najkasnije u roku od 30 dana donijeti odluku o zaključivanju Ugovora sa zainteresovanim pravnom licem koje je podnijelo zahtjev.

Registar zadržava pravo da odbije bilo koji pojedinačni ili sve zahtjeve ukoliko postoji osnovana sumnja da su dostavljeni podaci o pravnom licu netačni ili neistiniti, da pravno lice želi zloupotrijediti pružanje ove usluge ili se utvrdi da lice koje je podnijelo zahtjev ne ispunjava uslove iz člana 3.

### **Član 5. (Sklapanje Ugovora)**

Ugovor se zaključuje na inicijalni period od 3 mjeseca što ujedno predstavlja testni period za podnosioca zahtjeva.

Ukoliko podnosilac zahtjeva zadovolji sve uslove u testnom periodu potpisuje se novi Ugovor na period od jedne godine sa mogućnošću daljnjeg produžavanja. U suprotnom Ugovor se raskida bez mogućnosti obeštećenja podnosioca zahtjeva dok administraciju naziva domena koji su registrovani u tom periodu preuzima registar.

Ugovorom registar omogućava podnosiocu zahtjeva obavljanje poslova registracije naziva .ba domena čime podnosilac postaje ovlašteni registar.

**Član 6.**  
**(Obavljanje poslova registracije naziva .ba domena)**

Registar je dužan uputiti registranta da se upozna sa svim aktima koji se odnose na registraciju i korištenje naziva .ba domena

Registar je dužan sve poslove registracije naziva .ba domena vršiti striktno primjenjujući sve odredbe iz akata koji uređuju registraciju i korištenje naziva .ba domena.

Registar ni u kojem slučaju ne smije zloupotrijebiti svoje ovlasti niti djelovati suprotno nalogima registranta sve dok su isti u skladu sa odredbama iz akata koji regulišu registraciju i korištenje naziva .ba domena i dok registrant ispunjava svoje obaveze iz istih.

Ovlašteni registar je first-line podrška za svaki naziv domena koji je registrovao za registranta.

Registrant se može obratiti pismenim putem registru isključivo u slučajevima kada ima prigovor ili žalbu na rad samog registrara.

**Član 7.**  
**(Naknada za obavljanje poslova)**

Registar će uplaćivati naknadu registru za sve preduzete radnje na način i dinamici predviđenoj Ugovorom.

Ukoliko registar ne izmiri finansijske obaveze prema registru u predviđenom roku biće mu onemogućene sve operacije u vezi sa .ba domenom za koje je predviđena naknada. Nakon trideset dana od dana blokiranja operacija, ukoliko registar nije izmirio svoje finansijske obaveze, registar će raskinuti Ugovor sa registrarom.

**DIO TREĆI – IZBOR DRUGOG REGISTRARA**

**Član 8.**  
**(Promjena registrara)**

Registar je dužan omogućiti registrantu promjenu registrara za nazive domena koje je registrant registrovao ili produžio preko registrara.

Registar je dužan da saraduje sa registrantom i registrom u procesu prenosa administracije naziva domena sa jednog na drugog registrara.

Promjena registrara će biti izvršena nakon što novi registrar izvrši uplatu naknade koja je predviđena važećim cjenovnikom registra za ovu radnju.

Promjena ovlaštenih registrara ne utiče odnosno ne mijenja period zakupa naziva .ba domena.

## **DIO ČETVRTI – ODNOS REGISTRA I REGISTRARA**

### **Član 9. (Prava i obaveze)**

Registar i registrar će djelovati savjesno i u skladu sa odredbama Ugovora i akata koji uređuju registraciju i korištenje naziva .ba domena te u duhu dobrih poslovnih običaja i saradivati po svim pitanjima koji se tiču registracije i korištenja naziva domena i unapređenja cjelokupnog sistema DNS-a.

Registar nije odgovoran za štetu koja je nastala zbog nemara, pogreški ili nesavjesnog rada registrara i obratno.

Registar zadržava pravo da vrši kontrolu rada registrara kao i njihovog odnosa prema registrantima te tehničku kontrolu.

Rad registrara je podložen ocjenjivanju. Ocjenjivanje rada registrara će biti zasnovano na, ali ne i isključivo sljedećim parametrima:

- Zadovoljstvo registranata pruženim uslugama,
- Usklađenost rada registrara sa aktima registra,
- Broju registrovanih domena (minimum 60 domena godišnje)

Registar može biti ocjenjen sa ocjenom “zadovoljio” odnosno “nije zadovoljio”. U slučaju da registrar bude ocijenjen sa ocjenom “nije zadovoljio”, dobiće rok od 3 mjeseca unutar kojeg će moći korigovati ocjenu. Nakon isteka tog roka, ukoliko ne koriguje uočenu slabost, registrar će izgubiti status ovlaštenog registrara.

Registar može sve prijedloge, sugestije za unapređenje rada servisa i registra slati na e-mail adresu koja će biti objavljena na stranici registra kao jedina kontakt adresa za ova pitanja. Na istu e-mail adresu registrar može slati i prigovore na rad registra.

**Član 10.**  
**(Privremene mjere i raskid ugovora)**

Ukoliko registrar neopravdano opterećuje ili ometa ispravan rad servisa, servera registra ili cjelokupnog DNS sistema ili izvrši povredu odredbi Ugovora registrar ima pravo da bez obeštećenja na kraći ili duži period onemogući tom registraru obavljanje poslova registracije i održavanja naziva domena i uputi pismeno upozorenje registraru da se takve aktivnosti obustave u najkraćem mogućem roku.

U slučaju nepoštivanja naloga iz prethodnog stava, registrar će pristupiti raskidu Ugovora, čime Registrar gubi status ovlaštenog registrara, te mu se određuje zabrana podnošenja zahtjeva za ponovno sticanje statusa registrara u narednih 12 mjeseci. Svi nazivi domena koji su bili administrirani od strane registrara će biti administrirani od strane drugog registrara prema izboru.

Dok registrant ne izabere novog registrara nazivi domena će biti administrirani od strane registra.

**DIO PETI PRELAZNE I ZAVRŠNE ODREDBE**

**Član 11.**  
**(Izmjene i dopune )**

Izmjene Pravilnika, na prijedlog registra donosi Upravni odbor Univerziteta u Sarajevu. Registrar je dužan da u roku od najmanje 15 dana prije stupanja na snagu izmjena obavijesti registrare o tim izmjenama.

**Član 12.**  
**(Stupanje na snagu)**

Ovaj Pravilnik stupa na snagu i počinje se primjenjivati u roku od 15 dana od dana njihovog usvajanja od strane Upravnog odbora Univerziteta u Sarajevu.